



## **ORDENANZA REGULADORA DA TAXA DE SUMIDOIROS**

### **PUBLICACIÓN**

✓ BOPPO 12 febreiro 2008, nº 30 [páx. 68]

### **ARTIGO 1.-FUNDAMENTO E NATUREZA**

No uso das facultades concedidas polos artigos 133.2 e 142 da Constitución e polo artigo 106 da Lei 7/1985, de 2 de abril, reguladora das Bases de Réxime Local, e de conformidade có disposto nos artigos 15 a 19 do Texto Refundido da Lei 39/1988, de 28 decembro, reguladora das Facendas Locais, este Concello establece a "Taxa pola prestación do servizo de sumidoiros, á que se refire o apartado letra r) do número 4 do artigo 20 da citada Lei 39/88, que se rexera pola presente Ordenanza Fiscal.

### **ARTIGO 2.- FEITO IMPOÑIBLE**

Constitúe o feito imponible desta Taxa:

- a) A actividade municipal, técnica e administrativa, tendente a verificar si se dan ás condicións necesarias para autorizar a acometida á rede de sumidoiros municipal.
- b) A prestación dos servizos de evacuación de excretas, augas pluviais, negras e residuais a través da rede de sumidoiros municipal.
- c) Non estarán suxeitas á taxa as leiras derruídas declaradas ruinosas, ou que teñan a condición de solar ou terreo, sempre que non fagan uso do sumidoiro.

### **ARTIGO 3.- SUXEITO PASIVO**

1. Son suxeitos pasivos contribuíntes as persoas físicas ou xurídicas e as entidades a que se refire o artigo 33 da Lei Xeral Tributaria, que utilicen ou se beneficien dos servizos prestados.
2. Serán responsables solidarios ou subsidiarios das obrigacións tributarias do suxeito pasivo as persoas físicas ou xurídicas, consideradas para estes efectos como tales nos artigos 38 ó 40 da vixente Lei Xeral Tributaria.

### **ARTIGO 4.- COTA TRIBUTARIA**



A cota tributaria desta taxa será a que figure no anexo desta Ordenanza.

No suposto que se realicen dous ou máis tipos de actividades no mesmo edificio se aplicara a cota tributaria mais elevada.

#### **ARTIGO 5.- EXENCIONES E BONIFICACIONES**

Estarán exentos do pagamento desta tarifa:

- a) O Concello para a totalidade de edificios, vivendas, locais, establecementos e instalacións de propiedade municipal.
- b) As que veñan establecidas en Tratados ou Acordos Internacionais ou en normas con rango de Lei.

#### **ARTIGO 6.- DEVENGO**

1. A taxa devengase cando se inicie a actividade municipal que constitúe o seu feito imponible, prorrateándose por trimestres naturais, e incluíndose ó contribuínte no Padrón correspondente.
2. Entendese iniciada a actividade municipal:
  - a. Na data de presentación da oportuna solicitude da licenza de acometida, se o suxeito pasivo a formulase expresamente.
  - b. Dende que teña lugar a efectiva acometida á rede de sumidoiros municipal. O devengo por esta modalidade da Taxa producirase con independencia de que obtivera ou non a licenza de acometida e sen prexuízo da iniciación do expediente administrativo que poida instruírse para a súa autorización.
  - c. Os servizos de evacuación de excretas, augas pluviais, negras e residuais, teñen carácter obrigatorio para tódalas fincas do Municipio que teñan fachada a rúas, prazas ou vías públicas nas que exista sumidoiros, sempre que a distancia entre a rede e a finca non exceda de 300 metros, e devengarase a Taxa aínda cando os interesados non procedan a efectuar a acometida á rede.

#### **ARTIGO 7.- LIQUIDACIÓN E INGRESO**

1. Cando se presente a solicitude de licenza de acometida liquidarase e esixirase a Taxa correspondente en calidade de depósito previo.
2. Si se realiza a acometida sen mediar solicitude procederase a liquidar e notificar esixíndose o ingreso nos prazos previstos no Artigo 20 do Regulamento Xeral de



Recadación, sen prexuízo da apertura do correspondente expediente sancionador por infracción tributaria.

3. Unha vez autorizada a acometida, a xestión e recadación desta Taxa acomodarse ó procedemento previsto para os valores recibo (padrón, censo etc.).

## **ARTIGO 8.- INFRACCIÓN E SANCIÓN**

Nesta materia estarase o disposto no artigo 77 e seguintes da Lei Xeral Tributaria.

## **DISPOSICIÓN FINAL**

A presente Ordenanza fiscal, cuxa redacción definitiva foi aprobada polo Pleno da Corporación en sesión celebrada o 28 de novembro de 2007, entrará en vigor o mesmo día da súa publicación íntegra no Boletín Oficial da Provincia de acordo co artigo 17 do Texto Refundido da Lei Reguladora de Facendas Locais aprobado por RDLex 2/2004 de 5 de marzo.

## **ANEXO DA TAXA DE SUMIDOIROS**

### **1. TARIFA**

- a. Por dereitos de acometida á rede (esixirase por unha soa vez):
  - Por vivenda unifamiliar: 300,00 €
  - En edificios colectivos, cada vivenda ou local: 180,00 €
  - Para establecementos industriais, comerciais e outros: 360,00 €
- b. Por prestación do servizo de sumidoiros:
  - Por vivenda: 36,00 €
  - Por establecementos, cafeterías, bares, bodegas, estacións de servizo e similares: 60,00€
  - Por outros establecementos comerciais e pequenas industrias artesanais: 36,00€
  - Por restaurantes de ata 100 m2 de comedor: 100,00 €
  - Por restaurantes de máis 100 m2 ata 200 m2 de comedor: 150,00 €
  - Por restaurantes de máis de 200 m2: 250,00€
  - Establecementos hoteleiros de menos de 10 habitacións: 150,00 €
  - Establecementos hoteleiros de máis de 10 habitacións: 150,00 € máis 10,00 € por cada habitación.
  - Entidades bancarias: 150,00 €
  - Cámping e grandes industrias: 700,00 €



CONCELLO DE OIA

## 2. DISPOSICION FINAL

A presente Ordenanza xunto có Anexo foi aprobado polo Pleno do Concello, na súa sesión de data 28 de novembro de 2007 e entrará en vigor o día que se publique integramente no Boletín Oficial da Provincia de acordo co artigo 17 do Texto Refundido da lei Reguladora de facendas Locais aprobado por RDLex 2/2004 de 5 de marzo.

En Oia , a 26 de decembro de 2007.-

O Alcalde, Alejandro Rodríguez Rodríguez.